

Z'Obe spoot wenn d'Sunne lacht.

(oder 10 Joor grüblet)



Z'Obe spoot, wenn d'Sunne lacht,
und i dr'Beiz dr'Balgge chracht,
30 Halbi heimer mitenang gsoffe,
denn mir si 10 Joor zämme gloffe.

Christiane mon joli soleil,
du bisch die, wo mir alli wei !

10 Joor si dure wie im Schloof,
die Erschte vonis hei scho ä Goof,
ä paari bechöme scho chlini Falte,
a denä Dääg knitterets nit numme bi eusne Alte.

Christiane mon joli soleil,
du bisch die, wo mir alli wei !

Hallo Monsieur Nicolier, du kurvsch doch im Wältall
umme,
isch's dort eigentlich warm, so noch bir Sunne ?
Und Was isch mit em Abfall, löt dir dä eifach lo sy ?
Nei, nei, Ruth mir hei dr'Kelsagg drbi !

Christiane mon joli soleil,
du bisch die, wo mir alli wei !

Dr'Stich Otti, euse Bundespräsident,
wehrt sich für d'Mehrwärtstüür mit Fiess und Händ,
Und in dr'Fernsehdiskussion - es isch ä Gruus -
schreit er: "Dir chömme doch alli nit druus !"

Christiane mon joli soleil,
du bisch die, wo mir alli wei !

Pauli säg, wottsch go oder bliibe ?
Gosch, muesch d'Kündigung scho sälber schriibe,
blibsch, denn bisch zwar nimm im Kanton Bärn,
mir hei di, so oder so, alli gärn.
(d'Nasegrübler wünsche dir viele sunnigi Dääg,
zum Umeflaniere im Stedtli ziemlich trääg).

Christiane mon joli soleil,
du bisch die, wo mir alli wei !

Doch angeri hei mit dr'Sunne mieh,
nämlich die australische Wullechie.
Mit Faktor 12 die si sech schütze,
euse Tip: ä Schoofwullämütze dech nütze !

Christiane mon joli soleil,
du bisch die, wo mir alli wei !

Die Junge trage hüt ä Chappe ob Sunne oder Rääge,
äs sig cooler, hani ghöre sääge,
friener heis 'di usglacht, gsehsch du ä Sinn ?
Hüt bisch mit somäne Ding eifach in !

Christiane mon joli soleil,
du bisch die, wo mir alli wei !
Chasch du eus sääge, si 10 Joor grue ?
Git's s'neechscht Joor no öppis z'tue ?
Nonemol 10 Joor als Sunne oder Glöön
- a d'Fasnacht go - weisch wie wär das schön !
Und Christiane, weisch ämol nümme was mache,
chumm i eusi Gugge, denn diemer zämme lache !

(d'Nasegrübler dangge dir Christiane, für das Foto,
wo mir übercho hei, nit das vom Otto,
das, du weisch scho, mit ziemlich nütt,
genau das, wo so het gfalle, dä Lüt !